



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დუშეთის მაზრა

დუშეთის მაზრა, ადმინისტრაციულ-ტერიტორიული ერთეული რუსეთის იმპერიის თბილისის გუბერნიის შემადგენლობაში.

შეიქმნა 1801 წ. 12 სექტ. დებულებით, რ-იც ქართლ-კახეთის მაზრებად დაყოფას ეხებოდა. ალექსანდრე I-ის 1803 წ. 25 ნოემბ. რესკრიპტით დუშეთიდან სამაზრო ცენტრი ანანურში გადაიტანეს და დ. მ-ს ანანურის მაზრა უწოდეს. შემდგომ იმპერატორის 1921 წ. 24 თებ. ბრძანებით დუშეთი კვლავ სამაზრო ცენტრად აქციეს და ძველი სახელწოდება დაუბრუნეს. 1840, როდესაც შეიქმნა საქართვე.-იმერეთის გუბერნია, ქვეყნის ადმ.-ტერიტ. დანაწილებისათვის მოხდა დიდი რეორგანიზაცია.

1840 წ. 10 აპრ. დებულებით დ. მ. გააუქმეს, მაზრის სოფლები თბილ. და გორის მაზრებმა გაინაწილეს; პირველში დუშეთის საპოლიციო უბნის ბირთვი შეადგინეს, მეორეში კი – ქსნის საპოლიციო უბნისა. 1867 წ. 9 დეკ. ბრძანების თანახმად, დ. მ. კვლავ აღადგინეს, მის შემადგენლობაში შევიდა თბილ. მაზრის და დუშეთის უბანი, გორის მაზრის ქსნის საპოლიციო უბანი, გაუქმებული მთის ოკრუგი და გაუქმებული თიანეთის ოკრუგის ნაწილი.

1874 დ. მ-ის შემადგენლობაში შევიდა ახ. ადმ.-ტერიტ. ერთეული – „ქვეშეთის საპრისტავო“, რ-მაც 1888-მდე იარსება, შემდეგ კი იმავე სახელწოდების საპოლიციო უბნად გადაკეთდა. როდესაც მაზრები კვლავ უბნებად დაიყო, დ. მ. ოთხ უბნად განაწილდა: ახალგორის (რ-იც 1890 გადაკეთდა ქსნის უბნად), ბაბალეთის, ქვეშეთისა და მცხეთის. თანამედროვე ადმ. დაყოფის მიხედვით, დ. მ. ყაზბეგის, დუშეთის დიდ ნაწილსა და მცხეთის მუნიციპალიტეტის ტერიტორიებს ემთხვევა.

დ. მ. გაუქმდა 1930.
